

Broj: 01-04-13-07028/2023
Datum: 11.12.2023.godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
ZASTUPNIČKI DOM
Tajnik-Ivan Miličević
Veza vaš akt br. 05/1-02-499/23 od 30.11.2023.godine**

n/p - zastupnik Admir Čavalić

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
n/p- generalna sekretarka mr.sci. Edita Kalajdžić
veza vaš akt br. 03-04-1406-20/23 od 01.12.2023.godine**

PREDMET: Odgovor na zastupničko pitanje, dostavlja se

Federalna uprava za inspeksijske poslove zaprimila je dana 04.12.2023.godine akt gornji broj koji je zastupničko pitanje koje je postavio zastupnik Admir Čavalić na 7.redovnoj sjednici Zastupničkog doma Parlamenta Federacije BiH, održanoj dana 28.11.2023.godine.

Uvaženi zastupnik obratio se Federalnoj upravi za inspeksijske poslove sa pitanjem koliko je kupaca kažnjeno jer nisu pokazivali fiskalni račun inspektorima u krugu od 20 metara i koliki je ukupan iznos finansijskih sredstava po osnovu navedene kazne. Zastupnik je tražio podatke za aktuelnu 2023.godinu kao i prethodne 2022., 2021. i 2020.godinu.

U pripremi odgovora na zastupničko pitanje, za Federalnu upravu za inspeksijske poslove, učešće je uzeo Federalni tržišni inspektorat.

Zakon o fiskalnim sistemima ("Službene novine Federacije BiH", broj: 81/09) u članu 36. određuje obavezu čuvanja klijentovog primjerka fiskalnog računa. Klijent je dužan da

odštampani ili pisani fiskalni račun uzme i čuva u krugu od 20 metara po napuštanju prodajnog mjesta i pokaže ga, na usmeni zahtjev ovlaštenom licu inspekcije koje obavlja poslove kontrole.

U kaznenim odredbama Zakona, članom 58. (PREKRŠAJ KLIJENTA) Zakona utvrđuje:

„(1) Novčanom kaznom u iznosu od 50 KM kaznit će se za prekršaj klijent, ako: a) ne uzme i ne sačuva fiskalni račun, reklamirani račun, pisani fiskalni račun i pisani reklamirani račun u krugu od 20 metara po napuštanju prodajnog mjesta i ne pokaže ga ovlaštenom licu, koje obavlja poslove kontrole, na njegov usmeni zahtjev.

(2) Ovlašteno lice iz čl. 56. i 57. ovog zakona za navedene prekršaje klijentu izdaje prekršajni nalog.“

Zakonodavac u predmetnom Zakonu **nije propisao način provođenja** člana 36., na koji način će se utvrditi ova zakonom utvrđena udaljenost od 20 metara.

Na osnovu prethodnog, uvaženog zastupnika obavještavamo da Federalna uprava za inspeksijske poslove, Federalni tržišni inspektorat nije vršio inspeksijske nadzore temeljem člana 36. Zakona o fiskalnim sistemima, ni u tekućoj niti u prethodnim godinama, a samim time, nije ni naplaćivao utvrđenu novčanu kaznu za ovaj prekršaj.

Smatramo ipak važnim upoznati uvaženog zastupnika, da se pored ove odredbe, Zakonom o fiskalnim sistemima uređuju i druga pitanja kao npr. evidentiranje i kontrola prometa putem fiskalnih sistema; dijelovi, tehničke i funkcionalne osobine fiskalnih sistema, tj. fiskalnih uređaja (fiskalne kase/štampanci ili drugi fiskalni uređaji), terminala, softverskih aplikacija i ostalih fiskalnih proizvoda. Za registrovanje prometa robe i usluga koristi se fiskalni uređaj.

Neizdavanje fiskalnih računa pri obavljanju prometa roba i usluga predstavlja svakodnevni oblik sive ekonomije koji direktno utiče na prihod Bosne i Hercegovine -Federacije Bosne i Hercegovine. Neizdavanje računa se odražava na dohodak fizičkog lica, finansijski rezultat firme – kao porez na dobit i porez na dodanu vrijednost / PDV / kao prihod Bosne i Hercegovine - Federacije Bosne i Hercegovine.

U 2021. godini u nadzoru nad primjenom ovog zakona izvršen je 921 inspeksijski nadzor u ugostiteljskim objektima, trgovini i obrtima, izdato 322 PN u iznosu od 696.700,00 KM za neizdavanje fiskalnih računa i neposjedovanje fiskalne kase.

U 2022.godini u nadzoru nad primjenom ovog zakona izvršen je 1.160 inspeksijskih nadzora u ugostiteljskim objektima, trgovini i obrtima, izdat 461 PN u iznosu od 1.015.150,00 KM za neizdavanje fiskalnih računa i neposjedovanje fiskalne kase.

Za period I-XI 2023. godine:

Novembar:

Broj inspekcijskih nadzora	121
Broj prekršajnih naloga (PN)	7
Iznos PN	15.000 KM

Januar- Novembar:

Broj inspekcijskih nadzora	1.197
Broj prekršajnih naloga (PN)	339
Iznos PN	811.400 KM

Na kraju samo da dodamo da će Federalna uprava - Federalni tržišni inspektorat u saradnji sa kantonalnim inspekcijskim organima i u narednom periodu nastaviti vršiti inspekcijske nadzore nad sprječavanjem djelovanja sive ekonomije, odnosno njenim pojavnim oblicima iz nadležnosti tržišne, turističko ugostiteljske inspekcije.

S poštovanjem,

Dostavljeno:

- 1 x Tajnik Ivan Miličević
- 1 x zastupnik Admir Čavalić
- 1 x Generalna sekretarka Vlade FBiH- mr. sci. Edita Kalajdžić
- 1 x a/a

13 -12- 2023



Mr. Anis Ajdinović